



UNIVERSITÄTS-  
BIBLIOTHEK  
PADERBORN

## **Hortulus Biblico-Moralis Et Asceticus**

**Pappus von Tratzberg, Franz**

**Ulm, 1725**

Doctrina 1. Desumpta ex cap. 1. libri primi Regum, in quo describitur mira  
patientia sterilis Annæ.

---

[urn:nbn:de:hbz:466:1-61252](https://nbn-resolving.de/urn:nbn:de:hbz:466:1-61252)

## FASCICULUS XXXVI.

Doctrinarum Moralium &amp; Asceticarum.

## Doctrina I.

*Desumpta ex cap. I. libri primi Regum, in quo describitur mira patientia sterilis Anna.*

N. 239. Considera.

**Q**UOD etsi Anna conjux Elcanæ gravissimas injurias & opprobria cogeretur perpeti ratione sterilitatis suæ, nunquam tamen (ò admirabilem & inauditam in fœmina patientiam) in verbulum, aliquam indignationem redolens, eruperit, quin potius gaudiô & lœtitia omnes injurias concoxit, testata in suo cantico: *exultavit cor meum in Domino, & dilatatum est cor meum super inimicos meos &c.* Habet hoc anima virtutis studiosa, ut nullam prætereat occasionem, quâ patientiâ mereatur & proficiat in spiritu: atque hinc injurias beneficiorum loco accipit, in se exprimens illud Jeremiæ Vaticinium Thren. 3. dicentis: *dabit percutienti se maxillam, saturabitur opprobriis.* Ut enim homo cibi avidus atque vorax ex illis saturatur epulis, quæ majoris sunt substancialia, ita famem animæ, virtutum & meritorum avidæ, eò magis sedant injuriæ, quô fuerint graviores. Gulosi igitur similitudine utitur ad propositum nostrum Propheta, cuius verba Carthusianus exponens ait: *piurima sustinebit, & in ipsis, quasi in epulis letus erit.* Silex quantumvis durus sit, fornaci tamen impositus in calcem albam transmutatur, quæ quanto magis madefit, tanto magis bullit, & ignescit, quantoque magis extinguitur, tanto amplius accenditur. Ita homo divinâ prædictus charitate, quanto majoribus inuriis impetratur, tanto majori incremento crescit in amore divino & aliis virtutibus. Hinc de illo verissime canit Sponsa Cantic. 8, *aqua multæ non potuerunt extinguere charitatem, sed potius instar calcis viuæ, quod plus de aqua tribulationum bibt, plus inardescit in charitate Dei & virtutum moralium studio.* Totus propemodum orbis videbatur in contumelias & opprobria S. Athanasii conjurasse, ut nullibi tutò lateret. Accusabatur de hæresi, de adulterio, Magia &c. quæ tamen omnia infraetio exceptiens animo, ad supremum usque virtu-

virtutum & amoris divini apicem pervenit. Marina Virgo, cùm veste virili inducta, Monachum egisset, accusata à muliere, quod eam imprægnasset, pœnam & infamiam è Monasterio expulsa patientissimè tulit, donec secutâ morte ejus innocentia, & per patientiam obtenta sanctitas apparuit: *Surius 8. Febr. Nicolaa Piccardensis dicta, 50. annis dolores & morbos eā patientia sufferebat, ut quō magis cruciaretur, eō magis cruciari exoptaret, & sic quotidie crescens in patientia, cresceret quoque in perfectione: Nadas. in an. Euch. hebd. 37. Quid (ad exempla veteris testamenti reflectens) dicam de admiranda Davidis patientia, quā cachinnos uxoris suæ Michol, & servi sui Semei sustulit, maximum inde sanctitatis gradum haud dubiè adeptus? quid de Jobi patientia referam, quæ tam stupenda est, ut omnibus speculi loco proponi soleat? O Christiane Lector! quām longè abes à talibus viris & fœminis, qui unicō etiam verbulō tam graviter offendēris? digere paulisper vinum proprii amoris, quō mades. v. 14. capit. cit. & disce amore Dei & Salutis causā amaram bibere aquam, memor illorum verborum Apostoli: non sunt condigne passiones, hujus temporis ad futuram gloriam &c. tuam autem imbecilitatem agnoscens, cum Anna Deo identidem supplica pro sexu virili, nempe pro generoso virilique animo, quō adjutus, quidquid adversi imposterum tibi obvenierit, patienter sufferas.*

## Doctrina 2.

*Desumpta ex cap. 2. lib. 1. Regum, in quo describitur canticum Annae, ejus Votum &c.*

Considera: Quod etsi de fide certum sit: nullum in Inferno Redem. N. 240. optioni superesse locum; tamen Anna in suo testatur Cantico v. 6. cit. cap. Dominus ducit ad Inferos, & reducit. Quare hæc verba in sensu spirituali intelligenda, hoc solum indicant teste S. Greg. M. Omnipotenti Deo ad Inferos ducere, est peccatorum corda eternorum cruciatuum consideratione terrere, ei quoque ab Inferis reducere, est territas pœnitentium atque commissa lugentium mentes spe vita indeficientis attollere &c. Non absque speciali Mysterio Evangelicus Paterfamilias: Zizania, ab igne tartareo cremanda, noluit eradicare, sed voluit usque ad plenam messem crescere, ut homines per frequentem Inferni meditationem virtuosis